

肉


卷

所

藏

醉翁談錄 三水小牘
續墨客揮犀 友會談叢
自號錄 歷代蒙求纂註

江蘇古籍出版社



醉翁談錄

江蘇古籍出版社

四庫未收書提要

擘經室外集卷一

醉翁談錄五卷提要

宋金盈之撰案盈之家世汴京南渡後官從政郎衡州錄事參軍此書載黃虞稷千頃堂書目第一卷名公佳製載宋以來名卿大夫詩文各體第二卷榮貴要覽略述唐宋中恩榮遺制第三四卷則為京城風俗記備載宋室全盛時汴京風物繁華之盛凡所見聞案月搜記如四時風俗好尚無不畢載第五卷瑣聞記聞載唐時遺事為多書中所載詩文雜事雖屬瑣碎然博聞洽見足資談助可與夢華夢梁等錄並

傳也

醉翁談錄目錄

卷之一

名公佳製

史丞相上梁文

水碓古詩

竹奴文

約朋友結課檄書

客滕齋致語

御書扇銘

清醇酒頌

竹石銘

溫公聯句

弄竹杖詩

卷之二

榮貴要覽

戊辰新恩遊

御園錄

含元殿

曲江之宴

同昌公主

蓮池

卷之三

京城風俗記

正月元旦 人日送窮 立春 上元

二月社日 寒食

三月清明 上巳遊曲江

卷之四

京城風俗記

四月八日浴佛

五月端午

六月

七月七夕乞巧

八月中秋拜月

九月重陽

十月一日煖爐

十一月冬至

十二月除夜

卷之五

瑣聞異聞

日林國恠石

賜輔國辟邪玉

碧芙蓉爲異

奉天之讖

詩讖

神仙術

金玉屑化爲胡蝶

雕木爲技術

酒山紫海之異

黃金蛇

元藏幾滄洲遇仙

羅浮先生

懿宗佳識

九玉釵

聞步輦香

九花虬

醉翁談錄目錄

醉翁談錄卷之一

從政郎新衡州錄事參軍金盈之撰

名公佳製

史丞相上梁文 嘉定己巳勅賜府第

奮身許國端如柱石之擎天崇德報功可使樓臺之
無地不有間生之瑰傑莫成脇大之殊勲方乾坤之
氣豁爾清平宜國家之典舉於希閭恭惟某官相門
勲望聖世儒宗尚父素旣二心新傳衣鉢阿衡咸有
一德感會風雲挺孤忠於巖嶮之間平叵姦於盤錯
之日祖宗基業三百載反掌而安南北生靈億萬人

息肩以樂腹心鰲極手翼龍樓群賢並進於清朝公
論大開於今日肆疇黷烈上簡淵衷在相臣體國固
自忘家而明主禮賢莫優賜第地靈闡秘天緯開祥
於萬家闡闡之廬得十頃靖深之址棟宇聳高于霄
漢軒窗夏絕於塵埃煥然制作之規模來從天上恍
若神仙之洞府移在人間不數晏嬰夾塏之居且異
馬周佳麗之宅彰一人之體貌新百辟之儀型蓋凡
有議論欲問仲舒而獨佩安危尤資中令敬請龜卜
肇舉虹梁敢採歡聲式彰善頌

拋梁東於赫曦輪麗太空一自咸池洗氛翳八紘

都在照臨中

拋梁南仰矚宸居碧漢參已辨致君新事業坐看
咸五與登三

拋梁西參井煙光望欲迷萬里狼鋒今已息何須
傳檄定羗氐

拋梁北聘使交馳正如織百年盟好一朝新端的
皆由公相力

拋梁上望外晴嵐環碧嶂不惟宸極竚公歸北斗
泰山誰不仰

拋梁下燕雀但知棲廣廈幾多桃李荷栽培準擬

春風歸造化

伏願上梁之後德尊而神泰心逸而體胖紫宸咫尺之遙清問有十行之寵君臣千載永為宗廟之棟
梁父子一門並紀勲庸之彞鼎

水碓古詩

生平志剛堅打硬鐵石觜而何不自持受制一浣水
眯目厭揚糠折腰常為米俛仰不暫停瞥盪音殊殊不
已廩人欲繼粟僕僕乃使已鉏鋤夜雨中塵糝西風
裏亦有濟時材野老勿輕眎鄰車久不轉為乏河九
里區區二千石因而成事耳

竹奴文

予以畏日虐晝几案如爐乃下竹榻寘庭之隅設簟
簟與筠枕將追暑於須臾卧既久而不寐汗如漿而

浹膚揮員箴以腕脫

楚箴所甲反霎同音
楚人謂扇曰箴

咀堅冰而口

呿榻枕簟之三子俄趨進以來俱同辭而言曰僕之
鼻祖宅于渭墟有地千畝富埒侯祖釣月北海者後
英主而赴風雲之會龍躍葛陂者委功名富貴而爲
跼天衢逮後來兮孫稚遂枝分而派居僕家寒而族
冷無紹介之吹噓顧以涼德而猥叨親近誓將盡節
以邁夫臺輿今君流汗四洽氣鬱不舒僕等烏可緘

舉類之口而不告君以良圖僕有竹氏夫人者性不
熱中體清而癯儻受君之親倚可來爽氣之虛徐君
誠召而用之彰鄙言之非諛予應曰俞吾方思之乃
遣長鬚三子具□而竹氏至予予呼之前曰汝以斧
斤成質遇熱□須憑肱據股縱意所如非有鵲巢之
德采蘋之職曷爲而受夫人之呼人之稱汝既以重
誣汝輒披襟於汝安乎夫金炯有清明之鑒而襲徹
侯之爵炯戶反毛穎以翰墨之勲而掇中書之除汝非
有功有德可與二君子爲徒今黜汝之僭號而謂汝
爲竹奴盍安名而謹分順主人之所驅无沮詐以缺

望遂銜冤歸憾於吾竹奴皇恐稽首而進曰豈謂是
攷妾久懼驚下而負乘將乞骸以裁書辱開陳而是正
庸迫陋以□愚雖不敏而自忻得斯名之不虚敢失
言以懷怨甘貶爵而爲下執之超

約朋友結課檄書

士懷居不爲士莫辭會友之丈人不耻何若人當廣
齊賢之見矧國家求士之詔甫及而郡國貢英之
典立行如臨深淵无宜羨魚並駟中原誰先得鹿夢
回槐國還驚舉子之忙戰閔棘園肯効原夫之輩自
非磨犀角擢象齒安得附鳳翼攀龍鱗惟其一而